

四庫全書

集部

欽定四庫全書

集部
文選卷六十

詳校官庶吉士

臣汪彥博

助教

臣

常循覆勘

總校官編修

臣

王燕緒

校對官中書

臣

吳紹昱

謄錄監生

臣

邱御雲

欽定四庫全書

文選卷六十

梁昭明太子蕭統編

唐李善呂延濟劉良張銑呂向李周翰注

行狀

齊竟陵文宣王行狀一首

良曰述其德行之狀

祖太祖高皇帝

父世祖武皇帝

任彥昇

南徐州南蘭陵郡縣都鄉中都里蕭公年三十五行

狀

公道亞生知照隣幾庶

五臣本作庶幾善曰論語孔子曰生而知之者上也學而知

之者次也傅季友修張良廟教曰道亞黃中照隣殆庶

向曰亞次也言道次於生知之性也照明隣近也言

明近於庶幾之道也

孝始人倫忠為令德公實體

五臣本作禮

之非毀

譽所至

善曰毛詩序曰成孝敬厚人倫左氏傳君子曰忠為令德論語子曰吾之於人誰毀誰譽如有

所譽高誘呂氏春秋注曰體行也莊子曰舉世譽之而不加勸舉世非之而不加沮銑曰非人言辭所能毀

譽以至

天才博瞻學綜該明

善曰郭子曰孫子荆上品
狀王武子曰天才英博亮

拔不羣潘岳任府君畫讚曰學綜羣
籍智周萬物濟曰綜理該通也

至若

五臣本作乃字曲臺

之禮九師之易

善曰七略曰宣皇帝時行射禮博士后
蒼為之辭至今記之曰曲臺記又曰易

傳淮南九師道訓者淮南王安所造也漢書音義曰淮
南王安聘明易者九人號九師翰曰曲臺行射禮之

所也漢淮南王安者有明易者九人號九師也樂分龍趙詩析

先

齊韓

善曰漢書曰雅

琴趙氏七篇名定渤海人宣帝時丞相魏相所表又曰
雅琴龍氏九十九篇名德梁人也又曰詩魯齊韓三家

應劭曰申公作魯詩韓嬰作韓詩臣瓚曰韓固作齊詩
也良曰雅琴龍氏有九十九篇趙氏七篇韓齊二家

作詩而能析理也

陳農所未究河間所未輯

善曰漢書曰成帝
時以書頗散亡使

謁者陳農求遺書於天下又曰河間獻王德從人得善書必為好寫與之留其真加金帛賜以招之由是或有先祖舊書多奉以奏獻王者故得書多與漢朝等曰言竟陵王及其所未窮盡者未采集者皆復重興其事也

有一於此罔不兼綜者歟

善曰謝承後漢書曰劉靚方笑所載靡不必綜向

曰謂上諸學校之事有一人善者無不兼理而學之

昔沛獻訪對於雲臺東平齊

聲於揚史

善曰東觀漢記曰沛獻王輔永平五年秋京師少雨上御雲臺召尚席取卦具自卦以周

易卦林占之其繇曰蟻封穴戶大雨將集明日大雨上即以詔書問輔曰道豈有是邪輔上書曰案易卦震之蹇蟻封穴戶大雨將集艮下坎上艮為山坎為水出雲為雨蟻穴居而知雨將雲雨蟻封穴者故以蟻為興文詔報曰善哉王次序之又曰上以所自作先武皇帝本紀示東平獻王蒼蒼因上世祖受命中興頌上甚善之

以問校書郎此與誰等皆言類相如揚雄前代史岑之
比銑曰漢明帝時大旱御雲臺之上筮得蹇卦帝不
解以問沛獻王輔輔上書言蹇者坎上艮下此山有承
水雨即至矣果如其言又東平王蒼上書天子甚善之
以問左右賢臣左右皆曰其才如揚雄史岑也淮南取貴於食時陳思見稱於

七步方斯蔑如也

善曰漢書曰淮南王安上使為離騷傳且受詔至食時上世說曰魏文帝

令陳思王七步成詩詩曰箕在竈下然豆居釜中泣本是同根生相煎何太急良曰漢淮南王安好書天子使為離騷傳朝受詔至食時進之魏陳思王植有奇才文帝令作詩七步而成比之於王彼則蔑如也初沈攸之跋扈上流稱亂陝服善曰沈約宋書曰沈攸之字仲達為荊州刺史順帝即位攸之帥武義至夏口反毛詩傳曰無然畔援猶跋扈也西京賦曰睢盱跋扈尚書曰非台小子敢行稱亂

臧榮緒晉書曰武陵王令曰荊州勢據上流將軍休之委以分陝之重向曰跋扈畔援也上流荊州也時攸

之為荊州刺史宋順帝即位起兵作亂時以荊州宋鎮比陝州為分陝之望也如侯甸之服故云陝服也

西晉熙王南中郎邵陵王並鎮盆口善曰沈約宋書曰明帝第六子變字

仲綏封晉熙王進號鎮西沈攸之舉兵鎮尋陽之盆城又曰邵陵王友字仲賢明帝第七子也年五歲出為

南中郎將江州刺史鎮盆口向曰二王並以攸之之亂鎮盆口也盆口江州也世祖毗贊兩

藩而任揔西伐善曰沈約宋書曰齊王太子奉晉熙王變鎮尋陽之盆城向曰時齊世祖為

齊王太子輔贊二王之政西公時從在軍善曰從世鎮伐沈攸之亂也兩藩二王也

西府版寧朔將軍銑曰以版封受為寧朔將軍主南中郎將軍非臺署之輔也

版補行參軍署法曹

善曰沈約朱書曰除拜則為參軍
事府版則為行參軍 翰曰軍主

謂軍之中長也署主也
言為軍守王法之官也

于時景燭雲火風馳羽檄

善曰
言雲

火之多如景之照羽檄之疾若風之馳太公六韜曰雲
火萬炬以防夜四子講德論曰風馳雨集漢書高祖曰

以羽檄徵天下兵 良曰雲火烽火也羽檄徵兵書也
言烽火照天下如曰景之照也軍書之急如風馳羽飛

也謀出股肱任切書記

善曰魏文帝與吳質書曰元瑜
書記翩翩 向曰股肱猶左右

也書記謂文
學之士也

遷左軍

五臣本
無左

邵陵王主簿記室參軍

向

掌書記文
學之任也

既允焚林之求實兼儀形之寄刀筆不足宣

功風體所以弘益

善曰文士傳曰太祖雅聞阮瑀名辟
之不應連見逼促乃逃入山中太祖

使人焚山得瑀送至召入太祖時在長安大延賓客怒
不與語使就伎人列瑀善解音能鼓琴逆撫弦而歌因
造歌曲曰奕奕天門開大魏應期運青蓋巡九州在西
東人怨士為知己死女為悅已玩恩義苟潛暢他人焉
能亂為曲既捷音聲殊妙當時冠坐太祖大悅署為記
室何法盛晉中興書曰王承字安期司空東海王越以
為記室參軍雅相敬重勅子毗曰夫學之所益者淺體
之所安者深閑習禮度不如式瞻儀形諷味遺言不如
親承音旨王參軍人倫之表汝其師之史記張釋之曰
秦任刀筆之吏濟曰言其有大才故刀筆不足以宣
其功蓋以為技也風儀體氣所
以大益於人倫也銑同善注

除邵陵王友又為安南

邵陵王長史東夏形勝關河重複

善曰尚書王曰爰建爾于上公尹茲東夏

漢書田肯曰秦形勝之國也韓康伯王述碑曰述遷會稽太守此蓋關河之重複泱泱大邦銑曰東夏會稽

郡也複

選衆而舉敦說斯在

善曰論語子夏曰舜有天下選於衆舉臯陶不仁者

遠矣左氏傳曰晉蒐於被廬謀元帥趙衰曰卻縠可臣

至聞其言矣說禮樂而敦詩書君其試之

良曰選於

衆官舉之為會稽太守重德悅

除使持節都督會稽東

陽臨海永嘉新安五郡諸軍事輔國將軍會稽太守太

祖受命廣樹藩屏

善曰左氏傳富辰曰昔周公故封建親戚以藩屏周室

帝受宋順帝禪位而為天子也

公以高昭

韶武穆惟戚

惟賢

善曰西漢書韋玄成曰父為昭子為穆孫復為昭也音韶漢書文帝詔曰左賢右戚

於高祖為昭於武帝為穆惟辭

封聞喜縣開國公食邑

也戚親也言其為昭穆親賢也

文選

五

千戶又以奏課連最進號冠軍將軍

善曰漢書曰倪寬為農都尉大司農

奏課連最韋昭曰連最得第一也

銑曰言其為太守

奏功課與諸郡相連而比其考為第一故曰連最也最

第一越人之巫覡正風而化俗

善曰范曄後漢書曰第五倫字伯魚京兆人也

拜會稽太守會稽俗多淫祀好卜筮民常以牛祭神百姓財產以之困匱倫到官移書屬縣曉告百姓其筮祝有依託鬼神詐怖愚民皆案論之有妄屠吏輒行罰於後遂斷絕百姓以安
淫祀以事鬼神而竟陵王理之
都邑正風而人俗化為一也
筮竹之酋感義讓而失

險

善曰漢書淮南王上書曰臣聞越處谿谷之間筮竹之中范曄光武紀贊曰金湯失險良曰越南之俗

處於谿谷筮竹之中常恃其險而竟陵王理之其酋長之徒皆感義讓之風而弃其險阻以歸其德也竹叢曰

箕失
弃也

邪叟忘其西昃

五臣本作
忘於西景

龍丘狹其東臯

善曰華
嶠漢書

曰劉寵拜會稽太守徵為將作大匠山陰有五六老叟
自若邪山谷出送寵曰聞當見弃故自扶來送潘安仁
楊經誅云日昃景西望子朝陰范曄後漢書曰任延字
長孫南陽人拜會稽都尉年十九吳有龍丘萇者隱居
志不降辱四輔三公連辟不到掾史白請召之延曰龍
丘先生躬德履義有原憲伯夷之節都尉洒掃其門猶
懼辱焉召之不可使功曹奉謁修書記致醫藥吏使相
望於道積一歲萇乃乘輦詣府門願得先死備錄延辭
讓再三遂署議曹祭酒阮籍奏記曰將耕東臯之陽輸
黍稷之稅向曰邪謂若邪谿也後漢劉寵為會稽太
守帝徵拜將作大匠有老叟五六人出自若邪谿人齎
百錢送寵皆戀寵德義忘夕而不反西景謂日夕也言
說慕德化而狹其耕農故出仕也東臯則耕農之所也

會武穆皇后崩公星言奔

波泣血千里

善曰蕭子顯齊書曰武穆裴皇后諱惠昭河東人父璣之后生子良禮記曰惟父母

之喪見星行行夜見星而舍毛詩曰星言夙駕仲長子昌言曰救患赴急跋涉奔波者憂樂之盡也禮記曰高

子臯執親之喪泣血三年未嘗見齒君子以為難

銑曰星言早行侵星也水漿不入於口

者至自禹穴

善曰禮記曾子謂子思曰伋吾執親之喪水漿不入於口七日漢書曰司馬遷南遊

江淮上會稽探禹穴濟曰禹穴在會稽山言其從會稽而至於都也

逮衣裳外除心哀

內疚

善曰禮記曰親喪外除鄭玄曰日月已竟哀不忘也嵇康幽憤詩曰心焉內疚爾雅曰疚病也翰

謂除脫衰服也

禮屈於厭

甲

降事迫於權奪

善曰禮記曰有

從有服而無服公子於其妻之父母鄭玄曰凡公子厭於君降其私親女君之子不降也晉起居注宋公表曰

情由權奪也

良曰禮父在母喪服期為尊在屈厭而

降之事理又迫於權宜而奪哀情使入仕也謂將授征

虜將

而茹感肌膚沈痛創鉅

善曰廣雅曰茹食也禮記

軍也其愈遲三年者稱情而立文所以為至痛極向曰言

茹食憂苦損其肌膚沈於痛毒如創痛之至傷感憂鉅

也故知鐘鼓非樂云之本縗麤非隆

五臣本作降

殺戒之要

善曰論語子曰樂云樂云鐘鼓云乎哉馬融曰樂之所

貴者移風易俗也非謂鐘鼓而已左氏傳曰齊晏桓子

卒晏嬰麤衰斬寢苦枕草孫卿子曰喪三年何也曰加

隆焉故三年以為隆總小功以為殺鄭玄禮記注曰有

隆有殺進退如禮莊子曰本在於上末在於下要在於

主詳在於臣鐘鼓之音羽旄之容樂之末哭泣縗經隆

殺之服哀之末

翰曰樂之與禮本要在於中情豈

以鐘鼓之聲縗麤之服升降以為禮樂乎隆升殺降改

授征虜將軍丹陽尹良家徙戚里內屬政非一軌俗

備五方

善曰三輔黃圖曰宣帝為杜陵徙良家五十戶居於陵漢書萬石君傳曰徙其家長安中戚里

以妙為美人故也漢書泰地五方雜錯良曰漢宣帝為杜陵徙良家五十戶居於陵天子有親姻者居之名曰戚里言齊亦倣漢有此事內屬當族親也言政非一法使風俗必備五方作則也公內樹寬明

外施

五臣本作馳

簡惠

善曰馮衍說鮑永曰韋蒙危言之世遭寬明之時臧榮緒晉書曰吳隱之

為晉陵太守布政簡惠

神臯載穆轂下以清

善曰西京賦曰寔惟地之與區神臯漢書

谷永上疏曰薛宣為御史中丞執憲轂下胡廣漢官解故注曰轂下喻在輦轂之下京城之中也范曄後漢書曰楊璉為零陵太守郡境以清翰曰神臯良田也謂都畿之內也載事也穆和也言都畿之內政事以和輦

較之下其化之清也較下帝都也

武帝

五臣本作皇

嗣位進封竟陵郡王食

邑如千戶

濟曰如千戶猶若干也蓋食邑無定戶故也

復授使持節都督南

徐兗二州諸軍事鎮北將軍南徐州刺史

翰曰是時有後魏在北而

齊在江南北地皆非其所有志思北土故江南別置徐兗等州以為南州也

遷使持節侍中

都督南兗徐北兗青冀五州諸軍事征北將軍南兗州

刺史

向曰兗青冀並在北不得至其州蓋遙授也

兗徐接壤素漸河潤

善曰漢書

武帝詔曰淮南衡山兩國接壤東觀漢記曰拜郭伋潁川太守召見辭謁帝勞之曰賢能太守去帝城不遠河潤九里冀京師并蒙福也向曰素本漸及也

未及下車仁聲先洽

善曰漢書曰班伯為

定襄太守其下車作威吏民竦息
銑曰下車謂初至也洽徧也

玉關靖柝北門寢局

善曰漢書曰龍勒有玉門關周禮曰凡軍事聚橐鄭玄
曰擊橐兩木相敲行夜時也橐與柝同史記曰齊威王
曰吾吏有黔夫者使守徐州則燕人祭北門裴駘曰齊
之北門說文曰局外關門之關濟曰玉關塞門關名
也柝謂夜擊守更木也此言後魏在北故北之匈奴玉
關也靖柝謂疆界無守備也北門謂潤州為國之北門
也寢局謂除朝旨以董司岳牧敷興邦教善曰晉起居
其關守也
董司垂方過實引罰孔安國尚書傳曰董督也潘岳關
中詩曰岳牧慮殊禮記司徒明七教以興民德尚書曰
司徒掌邦教翰曰朝旨天子意也董正也司主也岳
牧太守也敷布興起邦國也言天子之意以正百官之
主司者以太守之任為重
將布起國家之政教也
方任雖重比此為輕善曰山
濤啓事

曰方任雖重此此為輕銑曰方任謂太守也言太守雖重此此司徒侍中之職太守為輕也徵護軍

將軍兼司徒侍中如故又授車騎將軍兼司徒侍中如

故即授司徒侍中又如故良曰謂前兼司徒今即上穆

三能

五臣本作台

下敷五典

善曰漢書曰三能色齊君臣和蘇林曰能音台尚書帝曰契汝

作司徒敬敷五教在寬又曰五典克從孔安國曰五典

五常之教銑曰穆和也三星名主三公位也三台

星色齊則君臣和也敷布也五典五

常之教父義母慈兄友弟恭子孝也開玄闡以闡化寢

鳴鐘以體國善曰玄謂道也太玄經曰玄門混沌難知

孫放敷詩曰一往縱神懷矯跡步玄闡范

曄後漢書曰桓榮為五更贊曰待問應若鳴鐘翰曰

開開也闡門也言開正道之門以闡揚天子化也謂其

雖貴而息其擊鐘鼎食之盛以尚節
儉之道以體國家之理也寢息也

翼亮孝治緝熙中

教善曰孝經曰昔者明王之以孝治天下也不敢遺小
國之臣司徒故曰中教向曰翼佐也亮猶行也緝

和也熙廣也言佐天子行其孝
理使天下大和廣布中平之教奪金恥訟蹊田自嘿善

呂氏春秋曰齊人有欲得金者清旦衣冠之鬻金者之
所見人操金攫而奪之吏捕而束縛之問曰人皆在焉
子攫人之金何故對吏曰殊不見人徒見金耳左氏傳
申叔時謂楚子曰牽牛以蹊人之田而奪之牛以蹊者
信有罪矣而奪之牛罰以重矣銑曰言竟陵王執政
人皆不為爭訟蓋德化之所及也有牽牛以蹊人之田
而奪之牛得奪牛之罪重於蹊田之罪也言今蹊過於
田者乃懷其義讓亦嘿然不相爭奪矣蹊道也言牛行
於田以不彫其朴用晦其明聲化之有倫繫公是賴善
成道也

呂氏春秋曰賢不肖各反其質行其情不彫其素高誘曰素樸也周易曰明入地中明夷君子以莅衆用晦而明王弼曰藏明於內乃得明潘元茂九錫文曰故周室之不壞繫二國是賴翰曰物皆任其質朴不作彫鏤外貌如晦其內則明也倫次也繫發語之聲也繫公是賴謂政理賴得此公也庠序聲興儀形

國胄師氏之選允歸

善本作師字

人範

善曰禮記曰有虞氏養國老於上庠夏后

氏養國老於東序鄭玄曰皆學名也毛詩曰儀彤文王求山松後漢書曰李膺風格儀形皆可師範尚書曰夔命汝典樂教胄子周禮師氏掌以媿詔王以三德教國子法言曰務學不如務求師師者人之模範也向曰謂欲以為國子祭酒也庠序國學也肇始也胄子也謂百官之子皆學於中也故曰國子也師氏周官掌教國子也允信範法也言師氏之選以本官領國子祭酒固信歸於竟陵王以為合法則也

辭不拜八座初啓以公補尚書令

善曰陳壽魏志評曰八座尚書即古六卿

之仕也晉百官名曰尚書令尚書僕射六尚書古為八座尚書

銑曰八座謂六尚書二僕射式是敷

奏百揆時序

善曰尚書曰敷奏以言又曰納于百揆百揆時叙王隱晉書詔曰今之尚書令皆古

之百揆之仕也良曰式用也言用是忠良之德敷奏天庭則百事於是有次序也

夫國家之道

互為公私君親之義遞為隱犯

善曰事親有隱而無犯事君有犯而無隱有諫

諍之義隱謂不稱揚其過犯謂犯顏色而諫也

五臣注同公二極一致愛敬同歸

善曰國語欒共子曰成聞之人生於三事之如一父母生之師教之君食之生非食不長非教不智生之族也故一事之唯其所在則致死矣孝經曰資於事父以事母而愛同資於事父以事君而敬同向曰公謂竟陵

王也二極謂君親也一致謂忠孝
同為一也愛敬之道同歸君親也

亮誠盡規謀猷弘遠

矣

善曰國語召康公曰天子聽政近
冊陶侃曰公經德秉哲謀猷弘遠

濟曰亮信猷風

弘大

又授使持節都督揚州諸軍事揚州刺史本官悉

如故舊維淮海今則神牧

善曰尚書曰淮海維揚州地
里書曰崑崙東南地方五千

里名曰神州

銑曰揚州近淮海二水神
牧謂竟陵王治之如神明矣牧即刺史也

編戶殷阜萌

五臣本作氓

俗滋繁

善曰漢書呂后曰諸將故與帝為編戶
良曰編戶萌俗皆百姓也殷衆阜盛

也滋繁

不言之化若門到戶說矣

善曰周易曰不言而
信存乎德行孝經曰

君子之教以孝非家至而日見之鄭玄曰非門到戶至
而日見也楚辭曰衆不可戶說兮孰云察余之中情

頃之解尚書令改授中書監餘悉如故獻納樞機絲綸

允緝

善曰兩都賦序曰日月獻納周易曰言行君子之樞機禮記曰王言如絲其出如綸

翰曰樞機言

語也絲綸天子之言也允信緝和也

武皇晏駕寄深負圖

善曰應劭風俗通曰宮車晏駕

謹按史記曰王指謂范雎曰夫事有不可知者有不可奈何者一日宮車晏駕是事不可知也君雖恨於臣是無可奈何謂秦昭王以天下終也昔周康王一旦晏起侍人以為深刺天子當夜寢早作身省萬幾如今崩殞則為晏駕矣家語孔子觀於明堂覩四門之墉有周公相成王抱之負斧扆南面以朝諸侯之圖焉

向曰晏

駕謂天子崩寄深負圖謂授命輔少公仰惟國典免遵帝也負圖者負託帝國以朝百辟也

遺託拊掖天倫踊絕于地居處之節復如居武穆之憂

善曰殺梁傳曰兄弟天倫也何休曰凡兄弟後天之倫次也禮記曰婦人摯心爵踴鄭玄曰爵踴足不絕地也

潛曰擗撫心哭也天倫兄弟也言撫心哭其兄弟號踊墮絕于地也銑曰居喪之節如前武穆皇后之憂

水漿不入口而哀心內疚

聖主嗣興地居旦奭

善曰蕭子顯齊書曰鬱林王昭業文惠太

子長子世祖崩太孫即位

良曰鬱林王昭業文惠太

子長子武帝崩太孫即位故云嗣興地居旦奭謂如周

成王之事

有詔策

五臣本作崇

授太傅領司徒餘悉如故

坐而論道動以觀德

善曰周禮曰坐而論道謂之三公禮記曰樂行而民向方可以觀德

矣

翰曰坐而論道三公之職也其責重人尊敬之故

坐而論道與百官異也舉動所為皆天下所觀其德也

地尊禮絕親賢莫貳

善曰晉中興書恭帝詔曰大司馬地隆任重親賢莫貳班固諸侯王

表序曰親親賢賢褒功表德向曰位居尊重之又詔

加公入朝不趨讚拜不名劍履上殿銑曰天子敬重其德有詔使入天子

之朝不趨走讚言也不名謂不稱名百官皆不得帶劍履上殿而竟陵一人天子獨許之敬之甚也蕭傳

之賢曹馬之親兼之者公也五臣本作矣善曰漢書曰上賜蕭何帶劍履上殿

入朝不趨又曰上欲自行擊陳豨周綜泣曰始秦攻破天下未曾自行今上常自行是無人可使者乎上以為愛我賜入殿門不趨而綜與傳寬同傳寬無不趨之言疑任公誤也魏志曰曹真字子丹太祖族子也明帝即位遷大司馬賜劍履上殿入朝不趨晉公卿禮秩曰汝南王亮秦王東吳王晏梁王彤皆劍履上殿入朝不趨

濟曰蕭傳謂蕭何傳說也曹真魏太祖族子也明帝即位遷大司馬入朝不趨司馬宣王得乘輿上殿今言

竟陵賢則如蕭傅親則復以申威重道增崇德統良曰如曹司二者公實兼之

也言更欲益進督南徐州諸軍事餘悉如故並表疏累崇其德之紀

上身沒讓存善曰王隱晉書曰武帝贈羊祜詔曰身沒讓存遺言益厲翰曰疏表也身死而讓

辭不已謂讓天不慙魚遺梁岳頽峻善曰左氏傳曰孔

徐州諸軍事不弔不慙遺一老禮記曰孔子蚤作負手曳杖逍遙於門歌曰太山其頽乎梁木其壞乎翰曰慙且也言天

不且遺其福而且亡此人如太岳頽其峻峯也梁岳太山也某年某月日薨春秋三

十有五詔給溫明秘器斂以衾章備九命之禮遣大鴻

臚監護喪事朝夕奠祭太官供給禮也善曰漢書曰大將軍霍光薨賜

東園溫明秘器服虔曰東園處此器象如桶開一端漆
畫懸鏡其中置尸上斂并蓋之周禮曰三公自衾冕而
下又曰上公九命 句曰溫明秘器皆凶器也衾章龍
服也九命謂一命受職再命受服三命受位四命受器
五命受則六命錫官七命賜國八命作牧九命作伯言
將備此禮也 銑曰大鴻臚官名也監謂監葬事也護
助也太官故以慟極津門感充長樂 善曰東觀漢記曰
掌食之官掌食之官故以慟極津門感充長樂 東海王疆薨上發

魯相所上檄下牀伏地舉聲盡哀至長樂 豈徒春人不
宮白太后因出幸津門亭發喪 向注同

相傾壘罷肆而已哉 善曰史記曰趙良謂商鞅曰五殺
夫夫死秦國男女莫不流涕童子

不歌謠春者不相杵劉緇聖賢本紀曰子產治鄭二十
年卒國人哭于巷商賈哭于市農夫哭于野 五臣注

同 翰曰相春人送杵 乃下詔曰褒崇庸德前王之令
聲也壘郊野也肆市也

典追遠尊戚沿情之所隆

善曰禮記曰禮樂之情同故明王相沿也鄭玄注曰沿猶

因迷也

濟曰庸功也前王謂古先帝王之善法也追遠亡者尊其親戚蓋因情所感也今善典法沿因也

故使持節都督揚州諸軍事中書監太傅領司徒揚州刺

史竟陵王新除進督南徐州

良曰謂督察諸軍之事

體睿履正神

監

五臣本作鑒

淵邈道

五臣本作首

冠民宗具瞻惟允

善曰毛詩曰民具爾瞻

瞻

翰曰睿聖也履正謂履其正道也淵深邈遠也向曰首冠謂道德高也民宗謂天下所尊仰也具瞻望

其美可謂當矣允當也

肇自弱齡孝友光備

善曰毛詩曰張仲孝友銑曰肇始也弱

齡謂幼年也光大也

爰及贊契協升景業燮和台曜五教克宣

善曰

台曜及五教並已見上注 翰曰贊助天子令升大業也契謂王者所執也景大也 良曰變理也台曜三台

星光也主三公之位也五教五常之教也克能也 敷奏朝端百揆惟穆 善曰尚書曰敷

奏以言晉中興書謝石上疏曰尸素朝端忽焉 寄重先五載尚書曰百揆時叙 濟曰揆事穆美也

顧任均負圖 善曰先顧則顧命也尚書曰成王將崩命呂公畢公相康王作顧命家語孔子觀於

明堂觀四門之墉有周公相成王抱之負斧扆南面以朝諸侯之圖焉 翰曰謂先帝顧命輔少君也漢武帝

畫周公輔成王圖以喻霍光令相昭 諒以齊徽二南同帝故竟陵之奉顧命任與此同也

規往哲 善曰毛詩序曰關雎麟趾之化王者之風也故繫之周公鵲巢騶虞之德諸侯之風也故繫之

召公周南召南正始之道王化之基 何曰諒信徽美也二南謂周公召公也往哲則二南也謂周召輔成王

故與之齊美

方憑保佑永翼雍熙

善曰東京賦曰上下共其雍熙銑曰保安祐福翼

佐雍和熙廣也言國家欲憑竟陵之德安福社稷長佐天下致和平以廣政化也

天不愁

魚新遺

奄見薨落

善曰左氏傳曰孔子卒公誄之昊天不弔不慈遺一老方言曰奄遽也尚書曰帝乃殂落

良曰愁且也薨落死也

哀慕抽割震動于厥心今先遠戒期龜謀

龍吉

善曰禮記曰喪事先遠日尚書曰謀及卜筮孔安國曰龜曰卜又曰乃卜三龜一習吉襲與習通

濟曰先遠戒期謂葬日也龜謀謂卜也襲吉謂得吉日也

茂崇嘉制式弘風猷

何曰式用

也可追崇假黃鉞

善曰尚書曰王左杖黃鉞孔安國曰鉞以黃金飾斧翰曰假之以名非

真得也黃鉞以金飾斧天子賜諸侯乃得專征伐也

侍中都督中外諸軍事太宰

領大將軍揚州牧綠綬

麗

綬具九錫服命之禮

善曰魏晉官品

曰相國丞相綠綬綬范曄後漢書曰曹操自為魏公加九錫韓詩外傳曰諸侯之有德天子錫之一錫車馬再錫衣服三錫虎賁四錫樂器五錫納陛六錫朱戶七錫弓矢八錫鈇鉞九錫秬鬯謂之九錫也鈇曰綬綬也綬丞相之服飾也九錫一曰車馬二曰衣服三曰樂器四曰朱戶五曰納陛六曰虎賁七曰鈇鉞八曰弓矢九曰秬鬯也錫賜也古者諸侯有大功必有此賜以示重賢也

使持節中書監王如故

給九旒鑾輅

善曰甘泉鹵簿曰游車九乘禮記曰乘鑾輅駕蒼龍輅音路

濟曰九旒旗也鑾輅

也黃屋左纛

徒列

輜

溫

輦

涼

車

善曰漢書曰紀信乘王車黃屋左纛李斐曰黃屋天

子車以黃繒為蓋裏纛毛羽幢在乘與衡左方上注之蘇音導漢書曰載霍光尸以輜輦車文穎曰如今喪輜

車良曰此上皆天子服用之具以給之者示親重也
黃屋者以黃繒為車蓋也左纛以毛牛尾為之在駕車
之馬駿上致之輶輶
車天子喪車名也
前後部羽葆鼓吹挽歌二部虎

賁班劍百人

善曰漢書韓延壽給羽葆鼓車歌車張晏

公卿禮秩曰諸公及開府位從公者給虎賁二十人持

班劍馬翰曰以鳥毛為幢幡者謂之羽葆也向曰

虎賁勇士名也班列也言使

勇士行列持劍以為儀仗也
葬禮一依晉安獻王孚故

事

善曰王隱晉書曰孚字叔達宣帝次弟也封安平王
薨謚曰獻詔喪事一依漢東平獻王孚故事翰曰

晉宣帝弟謚曰獻竟陵葬禮一依孚故事

公道識虛遠表裏融通淵然萬頃

直上千仞

善曰范曄後漢書郭林宗曰黃叔度汪汪如萬頃之陂魯連子曰東山有松千仞無枝非

為正直無枉自然

僕妾不覩其喜愠近侍莫見其傾弛

善曰晉中興書

曰衛玠終身不見其愠喜王隱晉書曰王邵為丹陽尹善禮儀侍人近習未嘗見其墮替銑曰愠怒弛廢也

言其道德遐速故喜怒之色不可覩焉謹奉禮法故傾廢之事莫能見之也

他人之善若已

有之

善曰尚書穆公曰人之有技若己有之

民之不臧公實

五臣本作實公貽恥

善曰尸子曰見人有過則如己有過虞氏之盛德也何曰臧善也貽猶有也

誘接恂恂降以

顏色

善曰論語曰孔子於鄉黨恂恂如也似不能言者王肅曰恂恂溫恭之貌濟曰進納賢良則和悅

而下其顏色也誘進也恂恂和悅貌降下也

方於事上好下規已

善曰魏志劉寔曰王

肅方於事上而好下佞己此一反也翰曰方正也言以正直事上也每所為事不善者好下人效規諫於已

也而廉於殖財施人不倦

善曰左傳叔向曰齊桓施舍不倦求善不厭向曰殖猶

資也帝子儲季令行禁止

善曰文子曰夫托順效誠者令行禁止

故曰帝子皇太子弟故曰儲季

國網天憲寘諸掌握

善曰范曄後漢書劉陶曰今權官手

握王爵口含天憲淮南子曰執節於掌握之間

良曰寘致也未嘗鞠人於輕刑錮人

於重議

善曰東觀漢記曰袁安為尹十餘年政令公平未嘗以賊罪鞠人常嘆曰凡士之學高欲望宰

相下及牧守錮人於聖代尹不忍為也

向曰鞠問也錮執也言人有輕刑者寬而不問議人罪名不執其重

科蓋仁人也

人有不及內恕諸已非意相干每為理屈

善曰晉中

興書曰衛玠常以人有不及可以情恕非意相干可以理遣翰曰以辭卑屈之則非意不能相干也

任

天下之重體生民之俊

善曰孟子曰伊尹其自任以天下之重也如此東觀漢記鄧曄

曰天生俊士以為民也

華衮與緼絺

張呂

同歸山藻與蓬茨俱逸

善曰

潘岳密陵侯鄭公碑曰公雖遠華衮猶朱其紱韓詩子路曰曾子褐衣緼絺未嘗完論語曰臧文仲山節藻梲色咸曰節者柄刻鏤為山枕者梁上楹畫以藻文聖主得賢臣頌曰長於蓬茨之下銑曰言齊其貴賤好惡也華衮三公服也緼絺貧賤服也山藻華屋也蓬茨草屋也逸樂也伊皆也良田廣宅符仲

長之言

善曰范曄後漢書曰仲長統字公理山陽人也少好學博涉書記每州郡召命輒稱疾不就欲

卜居清曠以樂其志嘗論之曰使居有良田廣宅背山臨流溝池環匝竹木周布足以息四體之役向曰後漢仲長統常論曰使有良田廣宅臨川溝水足以息四體之役也言竟陵王志願此事嘗有此言故云符仲長

之言
邛山洛水協應叟之志

五臣本作性善曰應璩與程文信書曰故求遠田

在關之西南臨洛水北據邛山託崇岫以為宅因茂林以為蔭濟曰叟老也應老謂魏應璩與程文信書云

南臨洛水北據邛山託崇岫以為宅因茂林以為蔭言竟陵王亦合此信也協合也**丘園東國錙**

銖軒冕

善曰以東國若丘園輕軒冕猶錙銖者鄭玄曰言君分國以祿之視之輕如錙銖矣良曰東

國魯也謂周公所封以之為大也八兩為錙十累為銖皆言輕也見東國如丘園之小視軒冕若錙銖之輕欲退靜山居乃依五臣本作仍**林構宇傍巖拓架**翰曰拓開險隘之處以架

屋清援與壺人爭旦緹

提**幙與素瀨交輝**

善曰劉公幹贈五官中郎

將詩曰明月照緹幕楚辭曰戲疾瀨之素水銑曰清援謂援鳴聲清也壺人壺刻漏人也夜作聲以候曉也

言山中後與刻漏之人俱有聲若相爭而候其曉也緹赤繒以為幙裏者言張設於水與素波交映為光輝也

瀕波也

置之虛室人野何辨

善曰莊子曰虛室生白孟子

於深山之野人者幾希劉熙曰當此之時舜與野人相去豈遠哉殷仲文入剡詩曰野人雖云隔超悟必有比

何曰置此小山中虛室則貴

高入何點躡屨於鍾阿

徵士劉虬獻書於衡岳贈以古人之服弘以度外之禮

善曰蕭子顯齊書曰何點字子皙廬江人也隱居東籬門下望之墓側豫章王命駕造門點後門逃去竟陵王子良聞之曰豫章王命尚不屈非吾所識遺點松叔夜酒杯徐景山酒鎗以通意虞孝敬高士傳曰何點常躡草屨時乘柴車蕭子顯齊書又曰劉虬字虛豫南陽人也豫章王為荊州牧辟虬為別駕遺書禮請虬修牋荅

不應命子良致書通意虬荅書後以江陵沙洲去人遠乃徙居之魏志曰太祖賜毛玠素屏風素憑几曰君有古人之風故賜以古人之服干寶晉紀何曾謂太祖曰阮籍如此何以訓世太祖曰度外人也宜共容之濟曰何點皆當時賢人隱居者躡步也履草鞋也鍾阿鍾山也竟陵王遺何點嵇叔夜酒杯除景山酒鎗故云古人之服謂服用之物也豫章王為荊州牧辟劉虬以書荅不應辟故云獻書也衡山虬所居也自衡山作書以獻於王後豫章王命竟陵王作書與虬致以殊禮徵士謂德高徵而不就皆曰徵士也

屈以好士

之風申其趨王之意

善曰戰國策曰先生王升造門欲見於齊宣王宣王使謁者迎入王

升曰升趨見王為好勢王趨見升為好士於王何如使者復還報宣王曰先生徐之寡人請從宣王因趨而迎之於

乃知大春屈已五王君大降節

善本有於字

憲后致之

有由也

五臣本無也字善曰范曄後漢書井丹字大春扶風人建武末沛王輔等五王居北宮皆好

賓客更遣請丹不能致信陽侯陰就光烈皇后弟也以外戚貴戚乃詭五王求錢千萬約能致丹別使人要叔之丹不得已既至就故為設麥飯蔥菜之食丹推去之曰以君侯能供甘旨故來相過何其薄乎更致威饌乃食東觀漢記曰荀恂字君大鴈門人也永平中驃騎將軍東平憲王蒼辟恂署祭酒敬禮焉後朝會上戲之曰先帝徵君不奉驃騎辟反來何也對曰先帝秉德惠下臣故不來驃騎將軍執法檢下臣故不敢不來良曰憲后即獻王也致之有由言雖隱速致而用之必有所由也

其卉木之奇泉石之美公

所製山居四時序言之已詳

何曰言山居四時有所序述之文

文皇帝

養德東朝同符作者

善曰蕭子顯齊書曰文惠太子懋字雲喬世祖長子昭業即皇帝位追尊

為文皇帝山濤啓事曰保傳不可不高天下之選羊祜秉德義克已復禮東宮少事養德而已論衡曰治國之道一曰養德養德者養名高上之人亦能敬賢禮記曰作者之謂聖述者之謂明明聖者述作之謂也 銑曰謂文帝未即位時養德於東宮也

爰造九言實該百行

善曰竟陵王集有皇太子九言言德言賢言親言善言靜言昭言真言節言義孔臧與從弟書曰學者所以飾百行也 翰曰文皇帝著九言之書一曰言德二曰言親三曰言賢四曰言真五曰言善六曰言靜七曰言昭八曰言節九曰言義此書實遵善本作

衿襦於未萌

申炯永戒於茲日

善曰衿襦施衿結襦也儀禮曰女嫁母施衿結帨曰勉之敬之毛詩曰親

結其襦九十其儀毛萇曰襦婦人之幃也幽通賦曰既訊爾以吉象又申之以炯戒 何曰遵法也襦帶也炯

明也言書之可為法則佩於衿帶以慎未萌又可申為明戒行於今世也

非直旦暮千載故

乃萬世一時也命公注解

善曰莊子曰萬世之後而一遇大聖知其解者是旦暮遇

之也竟陵王集有皇太子九言注解

銑曰謂九言非

但朝暮見之如千載之遇亦萬世已去有此一時之美

故命竟陵

衛將軍王儉綴而序之

善曰竟陵王集云衛將軍王儉為九言序

王注解

贊山宇初構超然獨往

善曰淮南王莊子略要曰江海之士山谷之人也輕天下細萬

物而獨往者也司馬彪注曰獨往自然不復顧世顧而

濟曰謂上依林九言之序也傍巖所構屋宇也顧而

言曰死者可歸誰與入室尚想前良俾若神對

善曰國語曰趙

文子與叔譽觀乎九原曰死者若可作吾誰與歸思玄賦曰尚前良之遺風王隱晉書劉琨曰神爽忽然若已

之侍對也。良曰：顧山中屋宇而言也。死者可歸，謂自古賢聖既死矣，可復生乎？言不可也。誰與入室，謂無賢聖與共入此室，則想前賢良之人欲畫之於室，使若魂神與我相對也。乃命畫工圖之，軒

牖既而緬屬賢英旁思才淑

善曰：賈逵國語注曰：緬思貌。翰曰：緬遠也。淑美也。

匹婦之操亦有取焉

向曰：列女亦圖畫也。

有客游梁朝者從容而

進

銑曰：梁朝謂梁孝王好賢，今假設有客游梁朝者以發後詞。

曰：未見好德惡竊惑

焉，即命刊削投杖不暇

善曰：論語孔子曰：吾未見好德如好色者。禮記曰：子夏喪其子

而喪其明弟子弔之子夏曰：天乎！予之無罪，曾子怒曰：喪爾親，使民未有聞喪。爾子喪，爾明汝何無罪？子夏投其杖而拜之。濟曰：言畫列女似好色不好德而游梁之客譏之云：愚竊惑焉。竟陵聞過將遽，即命使除削列。

女之圖也曾子言子夏之過子夏投杖而拜之悟過也
言竟陵王知過投杖不暇言急而忘投也投弃也杖謂
所拄之杖公以為出言自口驥駉不追聽受一謬差以千里

善曰鄧析書曰一言而非駟馬不能追一言而急駟馬
不能及易乾鑿度曰正其本而萬物理失之毫釐差之
千里翰曰驥駉良馬也聽受人言恐所造箴
有一失差於千里謂去於所言遠也

銘積成卷軸門階戶席寓物垂訓

善曰李尤集序曰尤
好為銘讚門階戶席

莫不有述家語南宮敬叔曰孔子作春秋垂訓後嗣

向曰謂門階戶席言作箴寄情於物垂示於人所訓戒

也先是震于外寢匠者以為不祥將加治葺公曰此天

譴也無所改修以記吾過且令戒

五臣本作誠

懼不急

善曰左氏

傳曰震夷伯廟罪之弔屈原曰逢時不祥杜預左氏傳注曰葦覆也左氏傳曰晉侯求介之推不獲以緇上為之田曰以志吾過且旌善人翰曰震謂霹靂也外寢外屋也匠者謂占禍福也治葦謂修治也謹謂遺告其有罪也怠慢也言人勸修所震從諫如順流虛已若不

足善曰王命論曰從諫如順流莊子曰人能虛已以游於世其孰能害之老子曰太白若辱廣德若不足

良曰虛其已心以受人言常受之不足也至於言窮藥石若味滋旨善曰左

孟孫卒臧孫入哭甚哀曰孟孫之惡我藥石也銑曰受人藥石之言若味滋美之味也藥石謂忠言益於人

如藥石信必由中貌無外悅善曰左氏傳曰周鄭交惡之除疾信必由中貌無外悅君子曰信不由中質無益

也濟曰中謂中心也言信人忠言實由中心也凡受人忠言者則外貌雖悅而中心實怒故此無外悅者真

性悅也

貴而好禮怡寄典墳

善曰論語子曰未若貧而樂富而好禮者也左氏傳楚子

曰左史倚相讀三墳五典何曰怡樂也

雖牽以物役孜孜無怠

善曰孫卿子曰是謂

以已為物役

尚書曰禹曰予思曰孜孜又曰無怠無荒翰曰物役謂從王事也孜孜勤貌謂雖役從王事

勤而好道無懈怠也

乃撰四部要略淨住子

善曰淨住序云遺教經云波羅提木叉是

汝大師若住於世無異我也又云波羅提木叉住則我法住波羅提木叉滅則我法滅是故衆僧於望晦再說禁戒謂之布薩外國云薩此云淨住亦名長養亦名增進所謂淨住身口意身累意如戒而住故曰淨住子者紹繼為義以沙門淨身口七支不起諸惡長養增進菩提善根如是修習成佛無差則能紹續三世佛種是佛之子故云淨住子何曰又撰集四部書以甲乙丙丁次之述略佛教以為子史之書淨住子謂佛教也並

勒成一家懸諸日月

善曰漢書曰太史公書序略以拾遺補闕成一家言揚雄方言曰雄

以此篇日煩示其成者張伯松伯松曰是懸諸日月不刊之書也

銑曰此言書傳之後世如日月懸於天永

不朽

弘洙泗之風闡迦維之化

善曰禮記曾子謂子夏曰吾與汝事夫子於洙

泗之間鄭玄曰洙泗魯水名也瑞應經曰菩薩下當世作佛生天竺迦維羅衛國良曰洙泗水名孔子講教之處迦維佛國名言能弘大

孔子之風闡釋迦之化也大漸彌留話言盈耳黜殯

之請至誠懇惻

善曰尚書曰疾大漸惟幾病日臻既彌留說文曰話會合善言也論語子曰師

摯之始闕睢之亂洋洋乎盈耳哉韓詩外傳曰昔衛大夫史魚病且死謂其子曰我數言蘧伯玉之賢而不能進彌子瑕不肖而不能退死不當居喪正堂殯我於室足矣衛君問其故予以父言聞君召蘧伯玉而貴之彌

于瑕退之徙殯於正堂成禮而後去生以身諫死以尸諫翰曰衛大夫史魚病將卒同善注是為黜殯也言竟陵將死此請亦懇懇而惻痛

易名之典請遵前烈謹狀

善曰左氏傳曰穆叔如晉范宣子逆之間焉曰古人有言

曰死而不朽何謂也穆叔對曰豹聞之太上有立德其次有立功其次有立言雖久不廢此之謂不朽也禮記曰公叔文子卒其子戌請謚於君曰日月有時將葬矣請所以易其名者濟曰言豈古人所謂立言不朽者歟蓋易名立謚典請遵奉古人之盛烈

弔文

弔屈原文一首

并序

賈誼

誼為長沙王太傅既

五臣本無既

以謫去意不自得

善曰韋昭曰謫

譴也字林曰丈厄切

良曰謫責也言誼非罪被責出於長沙遠國也意不自得謂不得志也

及渡湘

水為賦以弔屈原屈原楚賢臣也被讒放逐作離騷賦

其終篇曰已矣哉國無人兮莫我知也遂自投汨羅而

死

何曰汨羅水名

誼追傷之因以

善本無以字

自喻其辭曰

善曰應劭風俗

通曰賈誼與鄧通俱侍中同位數廷譏之因是文帝遷為長沙太傅及渡湘水投弔書曰關葦尊顯佞諛得志

以哀屈原離讒邪之咎亦因自傷為鄧通等所慙也

恭承嘉惠兮侯罪長沙

善曰張晏曰恭敬也越絕書曰恭承嘉惠迷暢往事琴操伍子

胥歌曰侯罪斯國志願得兮

翰曰

側聞屈原兮自沉

汨羅造託湘流兮敬弔先生

善曰韋昭曰皆水名羅今為縣屬長沙汨水在馬汨

音覓列子曰吾側聞之言至湘水託流而弔 銑曰造就也湘水名汨羅水流入湘川故就託此水而弔之先

生即屈遭世罔極兮乃隕厥身

善曰張晏曰讒言罔極周極言無中正周書文

王曰惟世罔極汝尚助予 濟曰言遭當世讒邪之人無極乃喪隕其身罔猶無也

嗚呼哀哉逢

時不祥鸞鳳伏竄兮鵩泉翔闔

合茸

如尊顯兮讒諛得

志

善曰胡廣曰闔茸不才之人無六翮翔翔之用而反尊顯為諛諛得志於世也字林曰闔茸不肖也 翰

曰鸞鳳喻賢人也鵲巢惡鳥也諭讒人也竄藏也良
曰闕茸皆小人也言小人在尊重之位讒邪諂諛之人

皆得志

賢聖逆曳今方正倒植

善曰胡廣曰逆曳不得順道而行也倒植者賢

不肖顛倒易位也植史記作值銑曰逆曳謂不得順
其正道也賢良方正之士皆在草澤小人在位故云倒

也世謂隨夷為溷

胡本

今謂跖

之石

踦

居略

為廉

善曰服虔曰

服虔曰

隨也韋昭曰夷伯夷也溷濁也史記隨字作伯李奇曰
跖魯之盜跖踦楚之莊踦向曰卞隨伯夷皆古之貞

介士也盜跖莊踦皆盜賊之人也言人皆反以
貞介為溷濁盜賊為廉清者喻弃賢用不肖

莫邪為

鈍兮鉛刀為銛

息廉反

善曰吳越春秋曰干將者與
歐冶同師俱作劍闔閭問得而寶之以故

使干將造劍二故一曰干將二曰莫邪莫邪干將妻之
名也漢書音義曰銛謂利也翰曰莫邪神劍名也

鉛錫也。鈇利也。言君賤賢用不肖以神劍為鈇以錫刀為利也。

于嗟默默生之無故兮。

善

應劭曰：默，默不得意也。臣瓚曰：先生謂屈原鄧展曰：言屈原無過遇此禍也。毛詩曰：吁嗟鳩兮。濟曰：默，默失

意貌。生謂屈生也。屈生無故有此禍也。

幹棄周鼎寶康瓠兮。

善曰：如淳曰：生無故有此禍也。幹，轉也。史記

音烏沽切。爾雅曰：康瓠，謂之甄。李巡曰：大瓠，瓢也。甄，丘列切。翰曰：幹，轉也。周有九州之鼎，言大鼎也。康瓠，瓜

也。言時君弃賢用不肖，亦猶轉弃大鼎之器而寶其瓠瓜也。

騰駕罷。

五臣本作疲。

牛驂蹇

驢兮。驥垂兩耳服鹽車兮。

善曰：戰國策：汙明曰：夫驥服鹽車上太行，中坂遷延，負轅

不能上。良曰：騰，奔也。言御車者但奔駕其疲敝之牛，乘其蹇跛之驥，使良馬駕鹽車，亦猶賢人在野，小人在

位，驥良馬也。

章甫薦履，漸不可久兮。

善曰：冠當加首而以薦履，倒上為下，故漸不可

久也儀禮曰士冠章甫殷道也銑曰章甫冠也薦籍也冠之在上履之在下章甫薦履者謂以冠踐籍於足以履之也喻賢在下此為亂

嗟苦

五臣本作若

先生獨離此

咎兮訊

信

曰已矣

善曰應劭曰嗟咨嗟苦勞苦屈原遇此難也張晏曰訊離騷下章亂辭也

類也句曰訊告也此總告前意亦如亂曰之

國其莫我知

兮獨壹鬱其誰語

濟曰國謂君也言君既不知我心獨聚憂思誰與語事者也壹鬱謂聚憂

也鳳漂漂其高逝兮固自引而遠去

善曰張晏曰史記音漂匹達切

曰漂漂高飛貌逝往也

襲九淵之神龍兮沕

昧

深潛以自珍

善曰張晏

曰音義曰襲覆也猶言察也莊子曰千金之珠必九重之淵而驪龍領下張晏曰沕潛藏也句曰襲猶察也

紛紛其離此尤兮亦夫子之故也

李奇曰般久也紛紛應助曰般音班或曰

般桓不去紛紛構譏意也犍為舍人爾雅注曰尤怨大也李奇曰亦夫子不如麟鳳不逝之故懼此咎善曰

言般桓不去離此愆尤亦夫子自為之故不可尤人也

良曰言屈生盤桓於亂時不能避去遂及此罪亦屈

生自為之故也盤桓不進貌紛亂離及尤罪也夫子謂屈生也

歷九州而相其

五臣本無其

君兮何必懷此都也

善曰言知時之亂當歷九州相賢君而事之何必思此都而遭放逐

何曰言天下之君皆可輔相何必懷思此楚都

鳳凰翔于千仞兮覽德輝而

下之見細德之險徵兮遙增擊

五臣本作搖增翮

而去之

善曰如淳

曰鳳凰曾擊九十里絕雲氣遙遠也增高高上飛意也鄭玄曰擊音攻擊之擊李奇曰遙遠也增益也史記擊

字作翮文子曰鳳凰飛千仞莫之能致也禮記曰德輝
動乎內陰徵謂輕為徵祥也銑曰鳳凰喻賢人也言
鳳凰高飛下覽有聖人之德者乃下而見於時也賢人
亦擇明君乃事也千仞言高也韓曰細德猶無德也
言見時君無德左右奸險恣為微
祥則搖舉羽翮而去也增舉也
彼尋常之汙為**漬兮**

豈能容夫吞舟之巨魚

善曰應劭曰八尺曰尋倍尋曰常莊子曰弟子謂庚桑楚曰夫

尋常之溝巨魚無所還其體而鯢鮪為之制也良曰
汗漬謂小池水也吞舟巨魚謂大魚腹中可容船也言
小池水之中不能容吞舟
橫江湖之鱣五臣本作鯨**鯨兮**
五臣暗君亦不能用賢也
鯢音淫

固

五臣將制於螻蟻

五臣本作螻蟻

善曰晉灼曰小

為螻蟻所見制以況小朝主闇不容受忠迂之言亦為
繞賊小人所見害也鱣或作鯨史記鱣張連切鯨音尋莊

子庚桑楚謂弟子曰吞舟之魚蕩而失水則螻蟻能苦之戰國策齊人說靖郭君曰君不聞海大魚乎蕩而失水則螻蟻得意焉向曰鱣鯨亦大魚也以喻賢人螻蟻小蟲以喻讒佞人也言大魚橫於江湖之中一朝失勢止於平陸為螻蟻所制蓋賢者失位遇讒佞之所害

弔魏武帝文

并序

陸士衡

元康八年機始以臺郎出補著作游乎祕閣而見魏武

帝遺令愴然歎息傷懷者久之

善曰毛詩曰嘯歌傷懷

客曰

翰曰假設

客言以發意也

夫始終者萬物之大歸死生者性命之區域

善曰

家語孔子曰命者性之始也死者生之終也有始必有終矣尸子老萊子曰人生於天地之間寄也寄者同歸

也是以臨喪殯而後悲覩陳根而絕哭

善曰國語曰楚子西歎於朝藍

尹璽曰吾聞君子思前世之崇替與哀殯喪於是有歎其餘則否禮記曰朋友之墓有宿草而不哭焉鄭玄曰

宿草謂陳根也向曰臨見其喪殯之所則必悲哀也

今乃

五臣無乃字

傷心百年之

際興哀無情之地

銑曰以為世異時遠不可致情今之傷心是興哀於無情之地矣自魏武

至機方百年故言也

意者無乃知哀之可有而未識情之可無乎

良曰言機空知事未識人情亦可無之

機荅之曰

五臣本無此一句

夫日蝕由乎

交分山崩起於朽壤亦云數而已矣

善曰左氏傳曰秋七月壬午朔日有

蝕之公問於梓慎曰是何物也禍福何為對曰二至二分日有蝕之不為災日月之行也分同道至相遇也其

他日則為災陽不克也國語曰梁山崩伯宗問絳人曰若何對曰山有朽壤而崩將若何向曰日月歲凡十

二交會而後分當此交會之際日月相掩故蝕也銑曰山之崩倒謂年代積遠其土朽故也濟曰言日蝕

山崩亦自然

運數而已然百姓怪焉者豈不以資高明之質而不

免卑濁之累

善曰尚書曰高明柔克高明謂日月也良曰日月在天故高明不免卑濁之累謂

也居常安之勢而終嬰傾離之患故乎

善曰穀梁傳曰沙麓崩林屬於

山為麓沙山名無崩壞之道而云崩故志之也輸曰山止於地而不動故常安也終嬰傾離之患謂崩也

夫以迴天倒日之力而不能振形骸之內

善曰范曄後漢書曰左迴

天唐獨坐謂中官左悺唐衡也淮南子曰魯陽公與韓
遺戰酣日暮援戈而麾之日為之反三舍莊子曰申徒
兀者也謂子產曰今子與我遊於形骸之內而子索我
於形骸之外向曰形骸內性命也言壯力亦不能起
死者之命也迴濟世夷難之智而受困魏闕之下

善曰
崔寔

政論曰及其出也足以濟世寧民呂氏春秋公子牟曰
心居魏闕之下許慎淮南子注曰魏闕王之闕也

銑

曰夷平也魏已而格乎上下者藏於區區之木

善曰
尚格

闕天子闕也于上下左氏傳楚靈王曰是區區者而不余畀也

濟

曰上下謂天地言功雖至於天地者其死則藏之於小

善曰
尚

木之中也區區光于四表者翳乎叢爾之土

善曰
尚

小也木棺也被四表左氏傳子產曰諺曰叢爾之國杜預注曰叢爾

翳

小兒也良曰言德聲雖光明偏於四外者死則掩翳

乎狹小之土也表
外也蕞爾小貌也

雄心摧於弱情壯圖終於哀志

翰曰弱情

謂疾病也哀
志謂將死也

長筭屈於短日遠跡頓於促路

善曰筭計謀也迹功

業也思玄賦曰盡遠迹以飛聲
謂平生謀長遠之事也短日促路生命窮盡也

向曰長筭遠跡

嗚呼

豈特瞽史之異闕景黔黎之怪類岸乎

銑曰特獨也瞽史掌日蝕之官

黔黎百姓也言豈獨日蝕山崩可
為變異之怪乎則人命亦可傷也

觀其所以顧命冢嗣

貽謀四子

善曰尚書曰成王將崩命召公畢公相康王作顧命爾雅曰冢大也左氏傳里克曰太子

奉冢祀社稷之粢盛故曰冢子謂文帝也毛詩曰貽厥
孫謀良曰謂觀武帝臨終顧命於太子使其嗣位遺

謀於四子也冢嗣長子也貽
遺也四子謂丕植彪章也

經國之略既遠隆家之訓

亦弘又云吾在軍中持法是也至於小忿怒大過失不

當效也

翰曰武帝自謂四子云吾在軍中所持法皆是也當依而行之至於有小忿怒及大過失汝等

勿學我也

善乎達人之讜言矣

善曰聲類曰讜善也濟曰讜正也

持姬女而

指李豹以示四子曰以累汝因泣下

善曰魏略曰太祖杜夫人生沛王豹

及高城公主四子即文帝以下四王也太祖崩文帝受禪封母弟彰為中牟王植為雍丘王庶弟彪為白馬王又封支弟豹為侯然太祖子在者尚有十一人今唯四子者蓋太祖崩時四子在側史記不言難以定其名位矣
何曰持執也姬象妻之摠名也女武帝有小女後為高城公主豹武帝小男名豹時年五歲後封沛王武帝臨死時執此孩幼以示四
傷哉曩以天下自任今以子云以此重累汝輩因下泣

愛子託人

善曰孟子曰伊尹其自任以天下之重也如此列子相室謂東門吾曰公之愛子也

銑

曰愛子則豹也託人謂託於四子

同乎盡者無餘而得乎亡者無存

善曰

言人命盡而神無餘身亡而識無存今太祖同而得之故可悲傷也鄭玄禮記注曰死言精神盡也

翰曰性

命同歸乎盡滅者則無餘勢也而得乎亡沒者無有存其威神者謂武帝平生威勢一朝已盡而無威也

然

而婉嬖

力

房閨之內綢繆家人之務則幾乎密與

善曰班固

漢書哀紀述曰婉嬖董公力婉切毛詩曰綢繆束薪毛萇曰綢繆猶纏綿也杜預左氏傳注曰幾近也

銑曰

婉嬖從順貌綢繆相親貌幾近也密猶細也言遺令於房閨家人則近於細碎也

又曰吾婕妤

妓人皆

五臣無

著銅爵

五臣

臺

善曰魏志曰建安十五年冬作銅爵臺

良曰著置也武帝又有遺令云使
故人置歌樂於臺上銅雀臺名

於臺堂上施八尺牀

五臣本作
六尺牀

張

善本無

總歲帳

善曰鄭玄禮記注曰凡布
細而踈者謂之總向曰

總細布而踈者
以為靈帳之裙

朝晡上

五臣本

脯糒之屬

善曰漢書東
方朔曰乾肉

為脯方武切說文曰糒乾飯也蒲秘切
日晚時也糒乾飯也皆著於靈帳之前以祭焉

月朝

十五日

善本無

輒向帳作妓

謂十五日也又云餘香

等時時登銅雀臺望吾西陵墓田

何曰汝等
謂四子也

又云餘香

可分與諸夫人諸舍中無所為學作履組賣也

善曰舍
中謂衆

妾衆妾既無所為可學作履組賣之晏子春秋曰景公
為履黃金之綦飾以組連以珠銑曰諸舍中謂衆妾

無所為者令學作履賣之組者以綠色飾之也

吾歷官所得綬皆著

略藏中良

綬綵為之以貫玉佩也藏猶積中藏也

吾餘衣裘可別為一藏不能

者兄弟可共分之既而竟分焉亡者可以勿求存者可以勿違求與違不其兩傷乎

善曰今衣裘別為一藏是亡者

有求也既而竟分焉是存者有違也求為容而虧廉違為貪而害義故曰兩傷

翰曰既而武帝崩兄弟盡分

其物也

何曰言亡人本可以勿求謂不可衣裳別為

一藏也既有求則存者可以勿違令也今武帝有求是

一傷也而四子違而竟分是兩傷也

悲夫愛有大而必失惡

去

有甚而必

得智慧不能去其惡威力不能全其愛

善曰言愛是情之所厚故雖大

而必失之惡是行之所穢故雖甚而必得之故智慧不能去其惡威力不能用其愛故可悲也尸子曾子曰父母愛之喜而不忘父母惡之懼而無咎然則愛與惡其於成孝也無擇今人雖未得愛不得惡矣翰曰人所愛者生也人理有死故必失生 銑曰人所惡者死也人生有涯故必得死矣翰曰雖智慧安能去死雖平生有威力身從沒化 故前識所不用心而聖人罕言焉

善曰老子曰前識者道之華論語子曰飽食終日無所用心又曰子罕言利良曰前識謂達人也罕希也言愛惡之事難保則達人不用 若乃繫情累於外物留曲心謀之聖人希能言及也

念於閨房亦賢俊之所宜廢乎

善曰慎子曰德精微而不見是故物不累於內

宜行翰曰皆賢俊所不 於是遂憤懣而獻弔云爾

善曰白虎通曰

天子崩臣子

哀痛憤懣

接皇漢之末緒值王塗之多違

善曰東都賦曰系唐統接漢緒答賓戲曰王途

蕪穢周失其馭蔡邕釋誨曰王途壞人極弛漢書元帝詔曰政令多違

向曰緒素也塗道也

佇重淵

以育鱗撫慶雲而遐飛

善曰以龍喻太祖也重淵九重之淵也揚雄釋愁曰懿神龍之

淵潛踳慶雲而將舉史記曰若煙非煙若雲非雲郁郁紛紛蕭索輪囷是謂慶雲

銑曰佇待重深也育鱗謂

潛龍也慶雲瑞雲也遐遠也言魏武待時育德乃撫拂於雲天而飛也言天命相感有如龍雲也

運神

道以載德乘靈風而扇威

善曰周易曰聖人以神道設教國語祭公謀父曰奕世載

德載行也

推羣雄而電擊舉勅敵其如遺

善曰左氏傳子魚曰

君未知戰勅敵之人隘而不成列天贊我也杜預曰勅

言如電之威也勅強也如遺謂指八極以遠略必翦焉而

後綏

善曰淮南子曰八絃之外乃有八極也

良曰八

下可手指麾而遠取也翦謂除翦暴亂也綏安也言天

除翦暴亂而後安百姓釐三才之闕典啓天地之禁闡

善曰周易曰易有天道焉有人道焉有地道焉兼三才

而兩之故六范臨後漢書曰梁太后詔曰周舉在禁闡

有密靜之風翰曰釐理也三才天地人事也禁闡謂

天地之闡元氣閉塞如禁門之不通而武帝皆開之啓

門也舉修網之絕紀紐大音之解徽善曰老子曰大音

注曰鼓琴循絃謂之徽濟曰漢末政大亂禮樂崩壞

而武帝舉修法網將絕復理且國家之政猶音聲也若

音之失調則亂也故武帝又繼大音之樂
調者復致太平紀理紐繼解失微調也
掃雲物以貞

觀要萬塗而來歸

善曰雲物喻羣凶也左氏傳曰分至
啓閉必書雲物周易曰天地之道貞

觀者也來歸歸之於己也
翰曰言掃除羣凶以致天
下清平之理使天下殊塗而來歸其德焉雲物喻羣凶

貞觀猶清平也要猶
使也萬塗猶殊塗也
丕大德以宏覆援日月而齊暉
善曰

周易曰天地之大德曰生禮記曰天無私覆淮南子曰
為帝異道而德覆天下楚辭曰與天地兮比壽與日月

兮齊光宏普也
濟元功於九有固舉世之所推
善曰史記太史

公曰惟祖元功輔臣股肱毛詩曰奄有九有老子曰天
下樂推而不厭
翰曰濟成元大也九有謂天下也言

能成功於天下則舉
一世羣推其高德也
彼人事之大造夫何往而不臻
善曰

左氏傳呂相曰我有大造于西也杜預注曰造成也何曰造成臻至也將覆簣於浚谷擠

子為山乎九天善曰論語孔子曰譬如平地雖覆一簣進吾往也孔安國尚書傳曰擠墜也孫

子兵法曰善攻者動於九天之上銑曰將覆簣為山於深谷之中謂立大業也為山將至九天忽山頽謂大

功既成而死矣覆簣謂盛土以苟理窮而性盡豈長美覆之將為山也浚深也擠墜也

之所研善曰周易曰窮理盡性以至於命吉凶所定又曰其義理盡人之情性以至於命吉凶所定又曰

研喻思慮也良曰凡事至於窮理盡性則非長悟臨計所能研精而知也謂死生事在其中而無定也

川之有悲固梁木其必顛善曰論語子在川上曰逝者如斯禮記曰孔子蚤作負手

曳杖逍遙於門歌曰太山其頽乎梁木其壞乎濟曰臨川有悲謂逝者不息如流是可悲矣良材之人於國

如屋有梁今死矣如梁木之顛墜當建安之三八實大命之所艱善曰

謂天命也尚書曰天監厥德用集大命翰曰言漢獻

帝建安二十四年得病是大命之患也三八謂二十四

也艱猶也雖光昭於曩載將稅駕於此年善曰史記李斯

責極矣吾未知所稅駕也法言曰仲尼駕稅者惟降神

也李軌曰稅舍也曰稅捨也捨駕言死也

之繇邈眇千載而遠期善曰降神謂生聖智也千載一

神桓子新論曰夫聖人乃千載一出賢人君子所想思

而不可得見者也銑曰降神謂天生聖智也繇邈遠

也言聖智生自幽遠也千載遠信斯武之未喪膺靈符

期謂千年一聖即武帝應之

而在茲善曰茲此也此太祖也論語曰子畏於匡曰文

王既沒文不在茲乎天之未喪斯文也匡人其

如予何曹植大魏篇曰大魏膺靈符天祿方茲始春秋
孔演圖曰靈符滋液以類相感良曰信此神武之道

未喪故武帝當靈應雖龍飛於文昌非王心之所怡善
之符在此也膺當也

周易曰飛龍在天大人造也東京賦曰龍飛白水漢書曰
文昌宮一曰上將二曰次將三曰貴相濟曰文昌殿

名言受王位於文昌殿故云龍飛也當憤西夏以鞠旅
受命時非武帝心所悅欲之蓋天命也

汴秦川而舉旗善曰魏志曰建安二十四年三月王自
長安出斜谷劉備固險距守五月引軍

還長安陳思王述征賦曰恨西夏之不綱毛詩曰陳師
鞠旅魏明帝自惜薄祐行曰出身秦川爰居伊陽翰

言憤見劉備練兵養衆圖中國乃度秦川而與戰也
曰西夏謂劉備也鞠養也旅衆也汴度也舉旗謂戰也

踰鎬京而不豫臨渭濱而有疑冀翌日之云瘳彌四旬

而成災

善曰毛詩曰宅是鎬京荅賓戲曰周望兆敷於渭濱尚書曰既克商二年王有疾弗豫公乃告

太王王季文王公歸王翌日乃瘳孔安國曰翌日明日也瘳差也

何曰踰過也鎬京長安也不豫謂有疾也

渭濱亦長安城也疑謂病甚也言伐劉備過長安乃得病却至長安城而病甚重也

銑曰翌明也成災謂疾

甚重也言遇疾之時冀明日乃瘳何至四十日而甚重也彌甚也

詠歸塗以反旆登峻

澠而竭

去善曰魏志曰建安二十四年十月還洛陽

王寄曰峭澠之險東向鄭衛新序大臣曰洛陽西有峭澠思玄賦曰迴志竭來從玄謀

濟曰言疾病既甚言

尋歸塗以反旆也峭澠二山名竭來言歸去來也旆旗之屬也

次洛汭而大漸指六軍

曰念哉

善曰魏志曰建安二十五年正月至洛陽庚子王崩尚書曰東至於洛汭尚書曰疾大漸惟幾

病日臻既彌留尚書曰帝念哉翰曰次至也洛汭東都也大漸謂病重將死也念哉戒令也臨終留顧六軍之士戒誓無有二心也伊君王之赫奕寔終古之所難善曰楚辭曰長無絕

分終古何曰伊惟也赫奕盛貌寔寔也言實終古所難有也威先天而蓋世力盪海

而拔山善曰周易曰先天而天弗違漢書項羽歌曰力拔山兮氣蓋世時不利兮騅不逝田邑與馮衍

書曰欲搖太山而盪北海銑曰先天謂威勢為天下所先而才德蓋偏於當世盪動也言勇氣一鼓動海拔

也厄奚險而弗濟敵何強而不殘良曰奚何也殘殺也言難險必濟也雖強

必殺也每因禍以提善本作提福亦踐危而必安善曰難蜀父老曰遐邇一

體中外提福說文曰提安也時移切濟曰提猶致也言行征伐則為禍也誅暴亂以安百姓是為致福也雖

涉踐危險其志如
安憂國之深也
迄在茲而蒙昧慮喋閉而無端

善曰楚辭

曰口噤閉而不言噤巨蔭切
翰曰迄至也蒙昧謂疾重不曉事也喋閉謂不開口也言至此疾重之時慮其

閉口則無遺
委軀命以待難痛沒世而永言

善曰鵲冠子曰從祀

委命鵲鳥賦曰縱軀委命論語子曰君子疾沒世而名不稱
向曰委弃身命以待死終痛沒此世而永言後

事有所
悲泣也
撫四子以深念循膚體而積歎

平聲
歎謂悲思
頽絕

也
迨營魄之未離假餘息乎音翰

平聲
善曰楚辭曰我營魄而登遐老子

曰抱一能無離乎鍾會曰經護為營形氣為魄
迨及也營魄也音翰謂作遺令也言及魂魄未離其形

體假借餘息之
氣以作遺令也
執姬女以嘯痺指季豹而灌焉

善曰孟

曰嘔感而言嘔蹙謂人嘔眉蹙顙憂貌也淮涕泣垂貌

淮深悲貌謂遺

氣衝襟以嗚咽

五臣本作嗚呼

涕垂睫而汎瀾

善曰蔡琰詩曰行路亦嗚咽桓子新論曰雍門周以琴

見孟嘗君孟嘗君淚承睫涕出漢書息夫躬絕命辭曰涕泣流今崔瀾臣瓚曰崔瀾涕泣闌干也崔與汎古今

字同 翰曰嗚呼謂悲多不得言也汎瀾淚疾流貌

善作

寢戢彌天乎

五臣本作以

一棺

善曰毛詩曰率土之

濱古詩曰潛寐黃泉下毛萇詩傳曰戢聚也彌天喻志

高遠也尚書五行傳曰雲起於山彌於天淮南子曰吾

死也朽有一棺之土 向曰言其違弃天下以死也乃

戢戢彌天之大德於棺之中也率土猶天下也靜寐猶

死

也咨宏度之峻邈壯大業之允昌

善曰周易曰富有之謂大業 銑曰咨嗟

宏大峻高邈遠允信也

思居終而恤始命臨沒而肇揚

善曰殺梁傳曰先君

有正終後君有正始也

良曰恤憂也肇初也言臨死始有抑揚之氣

援貞吝以慕悔

渠記

雖在我而不臧

善曰言為履組及分香令臧衣裘是引貞吝之道教為可悔之行也周易曰自

邑告命貞吝毛詩曰何用不臧濟曰援引也貞正也

慕教也臧善也言引其正道吝悔之事以教其四子不善者則可改悔雖已身亦為不善也謂

上序所云吾小愆大過不當效者是也

惜內顧之纏綿

恨末命之微詳善曰西京賦曰嗟內顧之所觀張堅與任彥昇書曰纏綿惠好庶躡高縱尚書

曰道揚末命也

翰曰內顧家事也纏綿親密也微細也詳悉也此機言武帝之德甚高但惜其臨終下節乃

於履組

向曰謂遺令云學作履組

於姬妾親密遺令

紆廣念

五臣作

紆廣念紆廣念

紆廣念

細碎詳述之甚也

紆廣念

五臣作

於履組

紆廣念

次之四事全言

文選

紆廣念

於履組

紆廣念

賈之塵清慮於餘香

銑曰謂遺令云餘香分與諸夫人

結遺情之

五臣本作

於婉孌何命促而意長陳法服於帷座陪窈窕於玉房

善曰孝經曰非先王之法服不敢服毛詩曰窈窕淑女漢書郊祀歌曰神之出排玉房良曰法服謂平生衣

服也窈窕美人貌玉房即銅雀臺上以玉飾也宣備物於虛器發哀音於舊倡

善曰禮記曰孔子謂明器者備物而不可用說文曰倡樂也謂作伎人也濟曰宣布也備物謂平生所用物

也虛器言虛設終不見用也倡女樂也即向帳作妓之事也矯感五臣作感容以赴節掩

零淚而薦觴善曰家語曰子貢問居父母之喪子曰戚容稱其服楚辭曰長太息以掩涕翰曰

此謂衆妓妾奏樂不見君王故憂悲也矯舉物無微而也感憂也赴節謂赴曲之節會也薦進也

不存體無惠而不亡

善曰言服玩雖微而必存儀形無善而必逝言物在而人亡也家語

孔子謂哀公曰君入廟仰視榱桷俯察几筵其器皆存而不覩人君以此思哀則哀可知矣 向曰言物之雖

微必有長存者人體雖有恩惠無不亡也

庶聖靈之響像想幽神之復光

善曰

響像音影之異名魯靈光殿賦曰忽繚眇以響像孫卿子曰下和上譬響之應聲影之像形

苟形聲

之翳沒雖音景其必藏

善曰音以應聲景以隨形形聲咸已翳沒影響故亦必藏也鵲

冠子曰景則隨形響則應聲也 銑曰

徽清絃而獨奏

進脯糒而誰嘗

良曰徽調也糒乾飯也言雖進脯糒誰復嘗而食之

悼總帳之冥

漠怨西陵之茫茫

善曰毛詩曰殷土茫茫濟曰悼痛也茫茫草木貌

登爵

五臣本作

崔臺而羣悲貯

直

美目其何望

平聲

善曰字林曰貯

貯與貯同毛詩曰美目盼兮

翰曰張目視曰既晞古

以遺累信簡禮而薄葬

平聲協韻

善曰禮繁則易亂

累詩緯曰齊數好道廢義簡禮宋均曰簡猶闕也漢書劉向曰賢臣孝子亦命順意而薄葬史記曰因其俗簡其禮也向曰機言我望古人奢華以為

貽塵謗於後王

善曰言裘紱輕微何所有而空遺塵謗而及後王銑曰謂遺令云吾衣裘別

為一藏後為四子所分終亦何有嗟大戀之所存故雖

哲而不忘

善曰言情苟存乎大戀雖復上聖亦不能忘故可嗟也良曰嗟其大戀愛所在心者雖

賢哲之士不
能忘情也
覽遺籍以慷慨獻茲文而悽傷

祭文

祭古冢文一首

并序

謝惠連

善曰沈約宋書曰元嘉七年惠連為司徒彭城王義康法曹參軍義康修東府

城城漸堙中得古冢為之改葬使惠連為祭文留信侍成也濟同善注

東府掘城北堙入丈餘

善曰丹陽記曰東府城西則簡文會稽王時第東則孝文王道

子府道子領揚州仍得古冢上無封城不用塼甃

步覓反

善曰毛萇詩傳曰甃甃甃也今以木為槨中有二棺正謂之塼翰曰封界也域牆也

方兩頭無和

善曰呂氏春秋惠公說魏太子曰昔王李歷葵渴山之尾藥水齧其墓見棺之前和

高誘曰棺題曰和

明器之屬材瓦銅漆有數十種

善曰禮記曰孔子曰明器

者神明之器也

多異形不可盡識刻木為人長三尺可有二十

餘頭初開見悉是人形以物棖撥之應手灰滅

善曰說文曰棖

杖也宅庚切然南人以物觸物為棖也廣雅曰撥除也補達切銑曰應手即破如灰滅也

棺上有

五銖錢百餘枚

善曰漢書曰武帝罷半兩錢行五銖錢也良曰五銖謂上有銖字蓋漢朝所

用也水中有甘蔗節及梅李核

胡

瓜辨皆浮出不甚爛壞

善曰爾雅曰瓠犀辨說文曰辨瓜中實也白芻切一作辨字音練辨與練字通濟曰瓜辨謂瓜中子與肉內

心也 翰曰出散在棺外也

銘誌不存世代不可得而知也公命城

者改埋於東岡

向曰公謂彭城王也城者謂築城人也

祭之以豚酒既不

知其名字遠近故假為之號曰冥漠君

五臣本無君

云爾

元嘉七年九月十四日司徒御屬領直兵令史統作城

錄事臨漳令亭侯朱林具豚醪之祭敬薦冥漠君之靈

忝總徒旅版築是司

銑曰旅衆也版築謂牆版築杵也司主也

窮泉為壑聚

壤成基

良曰窮泉言深也壤熟土也

一槨既啓雙棺在茲捨畚

本悽

愴縱鋪漣而

善本作而善曰左氏傳曰宋災陳畚揭杜預曰畚簣籠也揭居局切爾雅曰鍬謂

之鍾周易曰泣血連如杜預左傳注曰而語
助也 濟曰畚土籠也鍾鈇也連而流浹也 芻靈已毀

塗車既摧

善曰禮記曰塗車芻靈自古有之也 翰曰芻草也言束草為人馬也塗車以塗為車即

明器也 几筵糜腐俎豆傾低盤或梅李盎為浪或醢醢善曰爾雅

曰盎謂之缶又曰肉謂之醢郭璞曰肉醬也音海說文
曰醢醢也呼蹄切 向曰几筵墓中所設靈座也糜爛

腐朽也俎豆皆食器也盎作餘蔗傳餘節瓜表遺五臣本 犀

瓦器也醢肉醬也醢醢也 追惟夫子生自何代
善曰爾雅曰瓠犀辨說文曰辨瓜 銑曰犀瓜辨也

曜質幾年潛靈幾載為壽為天寧顯寧晦銘誌埋滅姓字不

傳今誰子後曩誰子先 善曰寡婦賦曰潛靈邈其不反
良曰今時人誰為子後嗣曩

古之人誰為
子之先祖

功名美惡如何蔑然百堵皆作十仞斯齊

善曰毛詩曰百堵皆興
濟曰七尺
曰仞五版曰堵皆謂牆高下長短

墉不可轉塹不可

迴翰曰墉牆也言牆塹既作
不可曲轉以迴避此冢也

黃腸既毀便房已頽循題

興念撫脩

五臣本作觀

增哀

善曰漢書曰霍光薨賜便房黃
腸題漆各一具蘇林曰以栢木

黃心致累棺外故曰黃腸木頭皆內何故曰題漆如淳
曰便房塚壙中空也埤蒼曰脩木送人葬也餘腫切脩
或為偶偶刻木以像人形五苟切 何曰以栢木黃心
累在棺外謂之黃腸也房墓中室也題棺兩頭也概棺

也射聲垂仁廣漢流渥

善曰范曄後漢書曰曹褒遷射
聲校尉射聲營舍有停棺不葬

百餘所褒親履行問其意故吏對曰此等多是建武以
來絕無後者故不得埋掩褒為買空地悉葬其無主者

設祭以祀之東觀漢記曰陳寵字昭公沛國人也轉廣漢太守先是雒陽城南每陰常有哭聲聞於府中寵使宋行昔歲倉卒時骸骨不葬者多寵乃勅縣墓理由是即絕也祠骸府阿掩骼城曲善曰禮記曰孟春之月掩骼埋胔鄭玄曰骨枯曰骼音良曰祠祭也府東府也阿亦曲也骸骼並骨也掩

藏也

仰羨古風為君改卜

善曰孝經曰卜其宅兆而安厝之濟曰禮記月令孟春之月

掩骼埋胔此為古風也謂卜改葬也輪移北隍窀穸

五臣本作窀穸

東麓

善曰說文曰城

池無水曰隍音皇左氏傳楚子曰窀穸之事杜預曰窀厚也窀夜也厚夜長夜葬為埋也說文曰窀穸下棺也

殺梁傳曰林屬於山為麓濟曰輪葬車之輪也隍城池窀穸墓中埏道也山足曰麓

壙即新營

棺仍舊木

善曰鄭玄周禮注曰壙謂冢中也棺或為遂非也向曰壙墓也

合葬非古

周公所存

善曰禮記武子曰合葬非古自周公以來未之有改也銑曰言夫婦合葬非古有也自周公

公以來存此禮也

敬遵昔義還祔雙魂

善曰禮記孔子曰魯人之祔也合之鄭玄曰祔

謂合葬也良曰祔合也本有二棺今還合雙魂而葬也

酒以兩壺牲以特豚

濟曰特一

幽靈髣髴歆我犧樽嗚呼哀哉

五臣本無此一句善曰魏太祖祭橋玄

文曰幽靈潛翳李康髡髽賦曰幽魂髣髴忽有人形禮記曰祀周公於太廟牲用白牡尊用犧象也許宜切

翰曰畫牛於樽故云犧樽也

祭屈原文一首

顏延年

善曰沈約宋書曰少帝即位出延之為始平太守之郡道經汨潭為湘州刺史張邵

作祭屈原文以致
其意 何注同

維有宋五年月日

銑曰少帝即位之五年

湘州刺史吳郡張邵

善

沈約宋書曰張邵字茂宗吳郡人

恭承帝命建旗舊楚

善曰賈誼弔屈原曰恭承嘉惠

兮侯罪長沙周禮曰州里建旗鄭玄毛詩箋曰謂州長之屬陸機高祖功臣頌曰舊楚是分良曰旗旗幟之流也以鳥毛為之刺史則建之行則引之於前湘州蓋舊楚地也訪懷沙之淵得捐珮

之浦

善曰楚辭曰懷沙礫而自沈兮不忍見之蔽壅又曰捐余玦兮江中遺余珮兮澧浦

沙石自沈於汨羅之水離騷經云遺余玦兮澧浦遺即弃捐之意

弭節羅潭艤舟汨

渚

善曰楚辭曰路漫漫其悠遠夕弭節而高厲漢書曰烏江亭長艤船待如淳曰南方人謂整船向岸曰艤

翰曰：弭節謂止駕也。艤舟謂船。
附岸羅潭汨渚，屈生自沈處也。

乃遣戶曹掾某敬祭

故楚三閭大夫屈君之靈

善曰：王逸《楚辭序》曰：屈原與楚同姓，仕於懷王，為三閭大

夫並

蘭薰而摧玉璵

五臣本作貞

則折

善曰：《語林》曰：毛伯成負其才氣，常稱寧為

蘭摧玉折不作蒲芬艾榮。管子曰：夫玉折而不撓，勇也。禮記：孔子曰：君子比德於玉焉。璵密以栗，智也。鄭玄曰：璵，鐵也。銑曰：蘭以香，人好而採，故多摧也。玉以貞，物

忌堅芳人諱明絮

善曰：堅芳即玉及蘭。劉熙《孟子注》曰：白玉之性堅，蔡邕《度尚碑》曰：明絮鮮

白珪

良曰：明

曰若先生逢辰之缺

善曰：賈誼《弔屈原》曰：嗟若先生獨離

絮謂志直也

此答楚辭曰：悼余生之不辰，逢此世之匡攘。曰：先生謂屈原也。辰時也。謂逢時君之道缺也。

溫風

怠時飛霜急節

善曰溫風長物飛霜殺物也周書曰小暑之日溫風至京房占曰三月建辰風

衰怠桓鱗七說曰飛霜厲其未衰風激其崖翰曰溫風所以養萬物而及於時也喻君以養人及時也飛霜之積至於堅冰喻讒言積乃見弃逐急節謂溫風忽然已變至於飛霜之時言政令苛急也

羸牟

彈

造紛昭懷不端

善曰羸秦姓牟楚姓王逸楚辭序曰是時秦昭王使張儀誦詐懷王令絕齊交

又使誘懷王請與俱會武關遂脅與俱歸拘留不遣卒客死於秦大戴禮曰太子處位不端受業不敬此屬太保之任也

王造紛為亂君道不正弃逐賢能也紛亂端正也

謀

折儀尚貞茂椒蘭

善曰史記曰楚懷王既絀屈平秦乃令張儀事楚秦昭王欲與懷王會欲

行屈平曰秦不可信王問子蘭蘭勸王行秦因留懷王王遂楚辭序曰同列大夫上官靳尚妬害其能共譖毀

之楚辭曰椒專佞以慢椒兮諷又欲充夫佩緯王逸曰
椒大夫子椒也楚辭曰余以蘭為可恃兮羌無實而容
長王逸曰蘭懷王之少弟司馬子蘭也銑曰儀張儀
也尚靳尚也是時楚謀與齊為變以備秦兵乃為張儀
靳尚等折之遂絕齊交也貞正也茂輕易也椒楚大夫
椒蘭懷王少弟子蘭也言屈生懷貞正之節而為輕易
者蓋為椒身絕郢闕跡徧湘干善曰郢楚都也毛萇詩
蘭所譜也身絕郢闕跡徧湘干傳曰干崖也良曰絕
遠也郢即楚也湘即水名干間也此物荃蓀連類龍鸞
言其逝如湘江故跡徧其間也
善曰韓子曰連類比物見者以為虛而無用王逸楚辭
序曰善鳥香草以配忠貞蚪龍鸞鳳以託君子齊曰
荃蓀香草也屈生作離騷以香聲溢金石志華日月善
草龍鳳喻君子鸞鳳瑞鳥也
金石樂也金曰鐘石曰磬吳越春秋樂師曰君王之德
可刻之於金石史記太史公曰屈原蟬蛻於濁穢以浮

游塵埃之外推此志也雖與日月爭光可如彼樹芬

善本

也翰曰金石言不朽也日月言光明也

實穎實發

善曰毛詩曰實發實秀實穎實栗翰曰芬香也穎禾秀也言屈生猶如樹芬香之

草也實秀望汨心歎

瞻羅思越

善曰吳質荅東阿王書曰精散思越

良曰歎悲也越遠也言

藉用可塵昭忠難闕

善曰周易曰藉用白

茅何咎之有夫茅為物薄而用可重也左氏傳君子曰風有采繁采蘋雅有行葦洞酌昭忠信也向曰塵久也苟藉順謫取用於時其可久矣蓋昭其忠信雖死難以闕也

祭顏光祿文一首

王僧達

善曰顏光祿即顏延年也五臣注同

維宋孝建三年九月癸丑朔十九日辛未王君以山羞

野酌敬祭顏君之靈嗚呼哀哉夫德以道樹禮以仁清

善曰沈約宋書曰孝建孝武年號尚書曰樹德務滋孔安國曰樹立也清明也良曰道之尊德之貴相須而

成焉禮者以仁

義清其本也

惟君之懿早歲飛聲

善曰思立賦曰盡速迹以飛聲濟

曰懿美也

義窮幾豕文蔽班揚

音盈協韻善曰幾豕謂周易班固揚揚雄也郭璞三

倉解詁曰揚音盈協韻班班固揚揚雄言顏君之文蔽此二人也

翰曰幾豕易道也

性婁剛

絜志度淵英

善曰楚辭曰鯨鯨直以亡身兮婁猶直也向曰婁直淵深英智也

登朝光

國實宋之華

善曰班固漢書述曰弱冠登朝蔡邕陳太丘碑曰紆珮金紫光國垂勲國語季文子

曰吾聞以德榮為國華韋昭曰為國才通漢魏譽浹龜
光華 銑曰言實為宋國之華英

沙善曰漢書曰龜茲國王治延城去長安七千四百八十
里尚書曰西被於流沙漢書李陵歌曰經萬里渡沙

漠說文曰北方流沙 濟曰漢魏之時多賢才故言顏
君才通於前代也浹及也龜茲流沙遠國名言其聲譽

也服爵帝典棲志雲阿 善曰言服爵雖依帝典而棲志
實在雲阿言高遠也管子曰將

立朝廷者則爵服不可貴也張華勵志詩曰棲志浮雲
翰曰言衣服爵命雖奉帝典而棲志實在雲山之曲

阿猶清交素友比景共波 善曰共波猶連波以喻多
曲也 句曰言交友清絮而我接比

光景共游 氣高叔夜嚴方仲舉 善曰司馬彪續後漢書
波瀾也 曰陳蕃字仲舉性方峻

不接賓客 銑曰叔夜嵇康也仲舉陳仲舉也為孫章
太守性嚴峻不接賓客時人畏之言顏君嚴明也方比

也逸翮獨翔孤風絕侶

善曰郭璞遊仙詩曰逸翮思拂霄廣雅曰風聲也良曰言孤

介不羣也流連酒德嘯歌琴緒

善曰漢書班伯曰式號式呼大雅所以流連劉伶有酒德頌

毛詩曰嘯歌傷懷琴緒緒引緒也

濟曰流連言好也緒猶速也

游顧移年契闊宴處

善曰何敬祖雜詩曰惆悵出遊顧毛詩曰死生契闊

翰曰僧達與顏君交游顧盼嘗移年歲雖契闊為苦嘗

同宴語居處也

春風首時爰談爰賦秋露未凝歸神太素

善曰列子

曰太素者質之始向曰言春與游談賦詠至秋乃死太素無形也言人死後歸於無形也

明發晨

駕瞻廬望路

善曰毛詩曰明發不寐銑曰明發謂從夕而至明也神駕謂靈車早出也瞻廬謂

視平生所居也望路謂凶儀在路也

心悽目泣情條雲互

善曰李陵詩曰仰視浮雲馳奄

忽互相踰良曰泣謂下淚條理也言涼陰掩軒娥月

寢耀

善曰姮娥奔月故曰娥月周易歸藏曰昔嫦娥以西王母不死之藥服之遂奔月為月精濟曰言

涼陰之氣掩蔽門軒

微燈動光几牘誰炤

翰曰几牘謂平生披讀典

籍之處也雖有燈

衾衽長塵絲竹罷調

向曰長生塵也

擊悲蘭

宇屑涕松嶠

善曰楚辭曰涕淅淅其如屑銑

古來共

盡牛山有淚

善曰晏子春秋曰景公遊於牛山北臨其國流涕曰若何去此而死乎艾孔梁丘據

皆泣唯晏子獨笑公收涕而問之晏子曰使賢者常守則太公桓公有之使勇者常守則莊公有之吾君安得此泣而為流涕是曰不仁也見不仁非獨昊天殲我明

之君一諂諛之臣二所以獨笑也

懿

善曰毛詩曰彼蒼者天殲我良人濟曰言古來皆不免死非獨昊天喪我明美之德也殲喪懿美也

以此忍哀敬陳奠饋

五臣作敬奠于饋曰蒼頡篇曰饋祭名也

善

申酌長懷


顧望

五臣本作我

歔歔嗚呼哀哉

善曰范曄後漢書劉陶上疏曰喟爾長懷中篇而歎

歔
翰曰歔悲也



文選卷六十